



**Bosna i Hercegovina  
Federacija Bosne i Hercegovine  
Tuzlanski kanton  
GRAD GRADAČAC**

H.K.Gradašćevića 54, 76 250 Gradačac, telefon 035-369-770, fax. 035-369-771, e-mail: [opc.vijece@gradacac.ba](mailto:opc.vijece@gradacac.ba)

Na osnovu člana 13. stav 2. alineja 9. zakona o principima lokalne samouprave u F BiH („Sl. novine F BiH“, br. 49/06 i 51/09), člana 6. tačka 11. i člana 15. Statutarne Odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac" broj: 1/19), na prijedlog Komisije za priznanja i nazive, Gradsko vijeće Grada Gradačac, na \_\_\_\_ redovnoj sjednici održanoj dana \_\_\_\_ 2020. godine, d o n o s i

Prijedlog

**ODLUKU**

o izmjeni Odluke o nazivima i označavanju ulica, trgova  
i poslovnih zona i označavanju objekata brojevima  
na području Općine Gradačac

**Član 1.**

U Odluci o nazivima i označavanju ulica, trgova i poslovnih zona i označavanju objekata brojevima na području Općine Gradačac („Sl. glasnik općine Gradačac“, br. 8/18), (u daljem tekstu: Odluka), riječ „općine“ mijenja se riječju „grada“ u zavisnosti od padeža u kojem se riječ koristi.

**Član 2.**

U članu 3. stav (1) Odluke, pod A) Naseljeno mjesto GRADAČAC, tačka 16. mijenja se i glasi: „Ulica Mustafe Imamovića, prostire se od zapadne Karaule-kompleksa starog grada Zmaja od Bosne do izlaska na Sviračku ulicu kod istoimene džamije.“

**Član 2.**

Odluka stupa na snagu osmog dana od dan donošenja, a objavit će se u “Službenom glasniku Grada Gradačac”.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
-Gradsko vijeće-**

Broj: 01-04- /20  
Datum: \_\_\_\_ 2020.godine  
G r a d a č a c,

**PREDSJEDAVAJUĆI  
GRADSKOG VIJEĆA**

Kujraković Husein, prof. s.r.

## **O b r a z l o ž e n j e**

### **Pravni osnov za donošenje:**

Pravni osnov za donošenje ove odluke sadržan je u članu 33. Poslovnika Općinskog vijeća Gradačac – Prečišćeni tekst ( "Službeni glasnik", broj: 3/14), u vezi sa članom 15. Statutarne Odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac" broj: 1/19), kojim je, između ostalog propisano da se na rad Gradskog vijeća i njegovih radnih tijela primjenjuju odredbe važećeg Poslovnika Općinskog vijeća Gradačac, ako nisu u suprotnosti sa odredbama Zakona o Gradu Gradačac i odredbama ove Odluke.

Članom 33. Poslovnika, između ostalog je propisano da Komisija za priznanja i nazive vrši konsultacije, organizuje javne rasprave i predlaže nazive ulica, trgova, kao i druga pitanja u ovoj oblasti uz punu saradnju sa nadležnim općinskim organima.

### **Razlozi za donošenje:**

Na nastavku 6. redovne sjednici Gradskog vijeća, održanog dana 11.02.2020. godine, usvojen je Nacrt Odluke o nazivima i označavanju ulica, trgova i poslovnih zona i označavanju objekata brojevima na području Grada Gradačac, i stavljen na javni uvid i javnu raspravu koja traje 90 dana, od dana donošenja.

Pored toga, Gradsko vijeće je donijelo zaključak da se važeća Odluka o nazivima i označavanju ulica, izmijeni tako da se dio dosadašnje ulice Husein kap. Gradašćevića, nazove po Mustafi Imamoviću, koja bi se prostirala od zapadne Karaule-kompleksa starog grada Zmaja od Bosne do izlaska na Sviračku ulicu kod istoimene džamije. Za utvrđivanje prijedloga Odluke zadužena je Komisija za priznanja i nazive, kao ovlašteni predlagač.

Inicijativa za promjenu naziva ulice podnesena je ranije od Gradskih vijećnika, a dostavljen je i prijedlog Gradonačelnika, da se jednoj od ulica u Gradačcu, ulica H.K.Gradašćevića – dio ulice od Gradine prema Svircu, dodijeli naziv ul. Mustafe Imamovića, po imenu našeg sugrađanina, bosanskohercegovačkog historičara istorije i prava, koji je dao značajan doprinos u političkom i kulturnom razvitku Bošnjaka.

Na 1. sjednici Komisije za priznanja i nazive, održanoj dana 13.02.2020. godine, Komisija je u svojstvu ovlaštenog predlagača, na osnovu zaključka Gradskog vijeća, utvrdila izmjene Odluke o nazivima i označavanju ulica, trgova i poslovnih zona i označavanju objekata brojevima na području Grada Gradačac („Sl. glasnik općine Gradačac“, br. 8/18).

Komisija predlaže Gradskom vijeću da usvoji odluku u predloženom tekstu.

**OVLAŠTENI PREDLAGAČ  
KOMISIJA ZA PRIZNANJA I NAZIVE**